



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

კვინიხიძე ნიკოლოზ ვლადიმერის ძე

კვინიხიძე ნიკოლოზ ვლადიმერის ძე (20. I. 1889, ვიტებსკი, – 7. II. 1968, პოზნანი, პოლონეთი), ნიადაგმცოდნე, საზოგადო მოღვაწე. მეცნიერებათა დოქტორი (1933), პროფესორი (1951), პოზნანის სოფლის მეურნეობის აკადემიის ერთ-ერთი დამაარსებელი (1951), პოლონეთის ნაციონალური პრემიის ლაურეატი (1951). 1907–10 სწავლობდა კიევის უნ-ტის მათ.-საბუნებისმეტყველო ფაკ-ტზე, საიდანაც გარიცხეს სტუდენტურ დემონსტრაციაში მონაწილეობის გამო. 1918–20 იყო დენიკინის არმიის შტაბის კავალერიის ოფიცერი და იბრძოდა საბჭ. ხელისუფლების წინააღმდეგ. 1922 დაამთავრა პოზნანის უნ-ტი. 1951–59 კ. მუშაობდა მისივე მონაწილეობით დაარსებული პოზნანის სას.-სამ. უმაღლესი სკოლის (1972-იდან აკადემია) ნიადაგმცოდნეობის კათედრის გამგედ. პოლონეთის ნიადაგების რუკის შედგენა-გამოცემისათვის მიენიჭა პოლონეთის ნაციონალური პრემია. იყო რამდენიმე სამეცნ. ჟურნალის სარედაქციო საბჭოს წევრი, წლების განმავლობაში – პოლონეთის ქართველთა საზ-ბის წევრი; აქტიურად მონაწილეობდა ქართული დიასპორის მიერ ორგანიზებულ ღონისძიებებში. მიღებული აქვს პოლონეთის სახელმწ. ჯილდოები.

ლ. ურუშაძე
